



KEMENTERIAN EKONOMI
JABATAN PERANGKAAAN MALAYSIA

STATISTIK HARI INI OLEH DOSM

PADA 12:00 TENGAH HARI

STATS ALERT: #221

19 OKTOBER 2023

SDDS

PERANGKAAAN PERDAGANGAN LUAR NEGERI MALAYSIA, SEPTEMBER 2023




KEMENTERIAN EKONOMI
JABATAN PERANGKAAAN MALAYSIA



PERANGKAAAN PERDAGANGAN LUAR NEGERI MALAYSIA SEPTEMBER 2023

Perangkaan Perdagangan Luar Negeri,
Jan 2022 - Sep 2023 (RM bilion)



EKSPORT
RM 124.5 bil.
↓ 13.7%



IMPORT
RM 100.0 bil.
↓ 11.1%

JUMLAH DAGANGAN
RM 224.4 bil.
↓ 12.6%

IMBANGAN DAGANGAN
RM 24.5 bil.
↓ 23.0%

PRESTASI EKSPORT & IMPORT BAGI
SEKTOR

IMPORT BAGI BEC & PENGGUNAAN AKHIR




DAGANGAN DENGAN ASEAN

3 RAKAN DAGANGAN UTAMA



- Nota: 1. Semua perubahan adalah berdasarkan perbandingan tahun ke tahun.
2. Data bulan September 2023 adalah data awalan dan tertakluk kepada pindaan dalam keluaran berikutnya.
3. Laporan ini boleh diperolehi daripada laman portal Jabatan Perangkaan Malaysia (<http://www.dosm.gov.my>) di bawah ruangan: Siaran Terkini.

Perangkaan Perdagangan Luar Negeri, Jan 2021 – Sep 2023



Perdagangan Malaysia terus merosot pada suku ketiga 2023, jatuh 15.7 peratus

- Berikutan permintaan global yang perlahan dan harga komoditi yang lebih rendah, jumlah perdagangan, eksport dan import Malaysia pada September 2023 kekal menguncup untuk bulan ketujuh berturut-turut sejak Mac 2023. Jumlah perdagangan berkurang 12.6 peratus kepada RM224.4 bilion, eksport menyusut 13.7 peratus kepada RM124.5 bilion dan import menurun 11.1 peratus kepada RM100.0 bilion, tahun ke tahun. Sementara itu, lebihan dagangan menguncup 23.0 peratus kepada RM24.5 bilion, merupakan lebihan dagangan ke-41 bulan berturut-turut sejak Mei 2020.
- Prestasi eksport menguncup pada September selaras dengan penurunan yang ditunjukkan oleh kedua-dua eksport semula dan eksport domestik. Eksport semula berjumlah RM27.8 bilion, menyusut 17.9 peratus berbanding September 2022. Eksport domestik bernilai RM96.7 bilion, menyumbang 77.7 peratus kepada jumlah eksport berkurang 12.4 peratus.
- Eksport yang lebih rendah disumbangkan oleh penurunan terutamanya ke China (-RM3.5 bilion), diikuti oleh Singapura (-RM2.5 bilion), Jepun (-RM2.5 bilion), Indonesia (-RM1.9 bilion), Amerika Syarikat (-RM1.5 bilion), Australia (-RM1.4 bilion) dan Hong Kong (-RM1.2 bilion).
- Penyusutan eksport selaras dengan pengurangan oleh keluaran petroleum (-RM6.6 bilion); barangan elektrik & elektronik (-RM3.1 bilion); gas asli cecair (-RM2.5 bilion); minyak kelapa sawit & keluaran pertanian berasaskan minyak kelapa sawit (-RM2.2 bilion) dan barangan perkilangan lain (-RM1.2 bilion).
- Penurunan import terutamanya disumbangkan dari Amerika Syarikat (-RM2.7 bilion), diikuti oleh Taiwan (-RM2.3 bilion), Indonesia (-RM2.2 bilion), China (-RM2.2 bilion), Arab Saudi (-RM1.8 bilion) dan Jepun (-RM1.5 bilion).
- Penguncupan import dicatatkan bagi barangan elektrik & elektronik (-RM3.2 bilion); petroleum mentah (-RM3.1 bilion); arang batu (-RM1.1 bilion); kimia & bahan kimia (-RM1.0 bilion) dan minyak kelapa sawit & keluaran pertanian berasaskan minyak kelapa sawit (-RM890.7 juta).
- Berbanding Ogos 2023, prestasi eksport, import, jumlah dagangan dan lebihan dagangan merekodkan peningkatan masing-masing 8.2 peratus, 2.1 peratus, 5.4 peratus dan 42.7 peratus.
- Prestasi bagi suku tahun ketiga (ST3) 2023, jumlah dagangan, eksport dan import mencatatkan kemerosotan berbanding tempoh yang sama tahun lalu. Jumlah dagangan turun 15.7 peratus, selari dengan pengurangan eksport (-15.2%) dan import (-16.3%). Lebihan dagangan berjumlah RM59.1 bilion, menyusut 9.1 peratus berbanding tempoh yang sama pada 2022.
- Berikutan dengan itu, jumlah dagangan, eksport, import dan lebihan dagangan bagi tempoh Januari hingga September 2023 turut mencatatkan penurunan. Jumlah dagangan berkurang 8.6 peratus, sejajar dengan penyusutan eksport (-8.4%) serta import (-8.9%). Pada masa yang sama, lebihan dagangan merosot 5.7 peratus bagi mencatatkan nilai RM177.3 bilion.

Dikeluarkan oleh: Jabatan Perangkaan Malaysia (DOSM)



@StatsMalaysia

